

醫圖略六書

女科指要

卷三十終



女科指要產後卷之三十上

初產昏暈 產後喘急 產後脹滿 惡露不通 汗雨不收 泄瀉不止 胞衣不下

血漏不絕 產後血崩 玉門不閉 子宮不收 子腸先出

初產瘀血衝心則昏暈 沖肺則喘急 沖脾則脹滿乃謂之三沖 衝任寒侵氣閉則惡露

不通 心腎乏竭氣疎則汗雨不收 脾胃氣化有傷則泄瀉不止是即謂之三急 惡血入

胞胞衣不下或血去過多胞衣枯澇均不能下較三沖三急焉尤危 衝任經虛血漏不絕

經氣失守乃為血崩 血氣大虛玉門不閉 清陽下陷子宮不收 胎系盤腸子腸先出

脉法

新產脉宜沉靜未產脉宜洪大急後洪大急疾不調者凶沉微附骨不絕者吉胎前脉細小產

後脉洪大胎前脉數產後洪數如故皆為逆候大抵新產之脉沉微小滑和緩者生實大堅強

急疾者死

治法

產後氣血大虛固宜溫補然當審惡露之有無表裏之虛實衝任之寒熱尋所在而調之隨其

攸利





用藥

產後無病固可勿藥如冲心昏暈琥珀安神散惡露不通蒲黃通瘀煎冲肺喘急人參蘇本飲冲脾脹滿枳殼理中湯泄瀉不止木香理中湯汗多不收人參棗仁湯胞衣不下黑龍丹血漏不絕逍遙散血崩不止補陰益氣煎玉門不閉十全大補湯子宮不收補中益氣湯子腸先出內服八珍散外用醋噴法

選方

琥珀安神散 治冲心昏暈脉洪濇者

琥珀

三兩

荊芥

兩半

澤蘭

三兩

當歸

三兩

赤芍

兩半

肉桂

兩半

砂糖

三兩

炒灰

為散益母三錢煮濃汁煎化三錢溫服

初產瘀血冲心神明失指故身熱昏暈勢甚危迫琥珀散瘀安神以定神志荊芥散熱和血清理神明澤蘭清熱降瘀血通經肉桂溫經暖血脉通閉當歸養血以榮經脉赤芍破瘀以瀉惡血砂糖和血去瘀以緩中州也為散益母湯下去瘀血生新血使瘀血頓降則心氣清和而神明得旨昏暈無不甦身熱無不解何危迫之有哉

蒲黃通瘀煎 治惡露不通脉濇大者



當歸 三錢 赤芍 錢半 肉桂 錢半 澤蘭 三錢 荊芥 錢半 蒲黃 三錢 五靈脂 三錢 枳殼 錢半

炮姜 錢半 益母草 三錢

水煎去渣溫服

產後經寒氣滯血瘀而惡露不通身熱脹滿腹痛勢甚危篤焉當歸養血和血以榮經赤芍破血活血以降瘀蒲黃破瘀通惡露靈脂破瘀降濁陰肉桂溫經通血閉澤蘭瀉熱通經閉荊芥散熱和血枳殼破滯化氣炮姜溫中逐冷益母去瘀生新水煎溫服使經寒散而中氣煖則瘀血化而惡露自通身熱脹滿無不退腹中疼痛無不除何危篤之有哉

人參蘇木飲 治沖肺喘急脉浮濇者

人參 錢半 蘇木 三錢

水煎濃汁去渣沖熱童便一杯溫服

產後肺虛血瘀失降下之令而瘀血上沖故喘急不已危殆莫甚焉人參補肺以通血脉蘇木破瘀以通肺氣水煎濃汁沖熱童便以降之使瘀化氣行則肺金清肅而肺氣無不降喘急無不平何危殆之有哉

枳殼理中湯 治沖脾脹滿脉沉滯者

醫略六書女科指要 卷之三十 選方

二

趙翰香居藏板





炮姜 錢半 白朮 錢半 枳殼 錢半 赤芍 錢半 肉桂 錢半 砂仁 三錢

水煎濃汁去渣溫服

產後脾虛氣滯血瘀不消故冲逆於中而脹滿不止不治必成血臑焉白朮健脾運化以退  
脹枳殼瀉滯寬中以除滿赤芍破血降瘀肉桂煖血溫經炮姜溫中以逐冷滯砂糖和胃以  
去瘀血也水煎溫服使脾健氣強則瘀血頓化而脹滿自己何血臑之足憂哉

木香理中湯 治泄瀉不止脉緊細者

白朮 三錢 炮薑 錢半 木香 八分 查肉 三錢 澤蘭 三錢 肉桂 錢半 茯苓 三錢 荊芥 錢半 赤芍 錢半

砂糖 五錢

水煎去渣溫服

產後脾土有虧寒邪凝滯故身熱腹痛而泄瀉不止勢甚危急焉白朮健脾土之虛炮薑逐  
中寒之寒木香調氣醒脾胃茯苓滲濕和脾胃赤芍破血瀉瘀以除腹痛荊芥散邪和血以  
解身熱查肉化滯血澤蘭通經脉肉桂溫經煖血最通血閉砂糖去瘀和血諸主調經也水  
煎溫服使寒滯化而脾土強則經脉通而腹痛止身熱泄瀉無不自己何危急之有哉

熟地理中湯 治泄瀉不止脈濡瀉者



熟地

四錢砂糖灰五錢另煎淨汁三次收入炒糯

白朮

二錢炒

肉桂

錢半去皮

丹參

錢半川鬱金三分另煎淨汁收入

木香

一錢煨

炮姜

錢半

茯苓

三錢

荊芥

錢半炒灰

甘草

五分炒黑

砂糖

三錢炒灰

水煎去渣溫服

產後脾虧寒滯營血暗傷故惡露不行而寒熱腹痛泄瀉不已白朮培脾土之虧炮姜逐中宮之冷熟地補營血之暗傷砂糖灰汁製更能和血去瘀便瘀血勿致稽留丹參化惡之滯伏川鬱金汁製更能化氣調汗使木土勿致相乘木香調氣醒脾胃茯苓滲濕和脾胃肉桂溫經煖血以通閉荊芥散熱和血以涼肌甘草灰和脾氣去濕砂糖灰去瘀血和血也水煎溫服使寒散脾強則營血暗復而惡露通行寒熱腹痛無不自退何泄瀉之不止哉

人參棗仁湯

治汗雨不止脈虛者

人參

錢半

棗仁

三錢

五味

錢半

茯神

二錢去木

歸身

三錢

草灰

六分

黃肉

三錢

烏梅

三錢

水煎去渣溫服

產後心腎乏竭元氣疎泄不能統攝津液而汗雨不收勢甚危急人參扶元以濟心腎之氣棗仁養神以攝心腎之液黃肉滋精和氣烏梅攝液斂津茯神入心以安神歸身入衝以養血草灰和胃燥濕五味斂液收津以復耗散之氣也水煎溫服俾精血內充則心腎氣密而





汗雨自收何危急之有哉

黑龍丹 治胞衣不下脉虛滯者

熟地

三兩

當歸

二兩

川芎

一兩

靈脂

二兩

葶石

一兩

硫黃

一兩

良姜

一兩

草霜

一兩

乳香

一兩

琥珀

五錢

爲末滴醋丸每用三錢炭火煨紅童便淬碎再易童便稍入陳酒溫服調分二服

產後惡血入胞胞滿而胞衣不下故小腹膨脹勢甚危急熟地補血以雄腎氣硫黃補火以通下焦當歸養血以榮經脉川芎活血以行血氣花葶石化瘀血爲黃水五靈脂破瘀血降濁陰高良姜溫中散冷百草霜攝血下行乳香活血散瘀以通脉絡琥珀散瘀安神以降心氣也醋丸以收之童便以降之稍加溫酒以行之俾氣降血行則胞中之瘀血自化而胞衣無不自下何危急之有哉

奪命丹 治胞衣不下脈細滯者

黑附子

六兩

牡丹皮

六兩

乾漆灰

六兩

爲細末大黃末六兩醋煮成膏入前藥末爲丸每服二三錢溫酒下

產後瘀血入胞胞滿腹脹兼之少火不振不能逐胞下出勢甚危急遂成逆症黑附子振少



火以推胞下出乾漆灰破瘀血以逐胞下行牡丹皮涼血降瘀以防血暈也大黃膏丸醋煮以收之酒下以行之務使少火鼓舞則瘀化氣行而胞衣自下腹脹自退何危迫之有哉

奪命丸 治胞衣不下脈數滯滯者

桃仁 三兩 赤芍 兩半 桂心 兩半 茯苓 兩半 丹皮 兩半

爲末蜜丸葱白湯煎三錢去渣溫服

產後血瘀不化胞衣壅塞腹中不能順流而下故小腹重墜疼痛不安焉桃仁破瘀血以潤下赤芍破瘀血以下行桂心溫血脈通血閉茯苓滲濕氣和脾氣牡丹皮涼血降瘀以下胞衣也蜜丸以潤之葱湯以通之使瘀血化而衝任調則胞門無壅塞之害而胞衣無不自出安有重墜疼痛之患乎

杜牛膝丸 治胞阻溺閉脈沉者

杜牛膝 三兩 甜肉桂 兩半 瞿麥穗 三兩 當歸尾 三兩 白通草 兩半 冬葵子 三兩 飛滑石 三兩

爲末蜜丸童便煎三錢去渣溫服

產後胞滿氣壅阻塞膀胱竅道故不能化氣而小便不通脹急危迫莫甚杜牛膝去瘀血以利便甜桂心煖瘀血以通閉瞿麥穗降熱通小便當歸尾破血下瘀結通草通利水道滑石





通利膀胱冬葵子滑利竅道以下出胞衣也蜜丸以潤之童便以降之使氣化溺通則胞門無阻而胞衣自出何患脹急不退危迫不安乎

牛膝散 治胞阻脹急脉沉實者

牛膝 三兩 桂心 兩半 朴硝 兩半 當歸 三兩 蒲黃 三兩 川芎 兩半

爲散每服三錢水煎去渣溫服

產後瘀血阻結胞中而胞脹滿急故不能下出勢甚危迫焉牛膝破瘀血以下行桂心開瘀結以通閉當歸養血營經川芎活血行氣蒲黃破血逐瘀朴硝蕩實攻堅爲散水煎使瘀化結開則胞門無阻而胞衣自下何脹急之有苟非體實不可輕投

加桂芎歸湯 治胞衣不下脈虛弱者

當歸 三錢 川芎 錢半 官桂 錢半

水煎去渣入蜜三匙煎沸溫服

產婦稟賦薄弱血虛無以濡潤胞門故胞衣乾澇不能下出焉當歸養血以潤胞衣川芎活血以行血氣官桂溫經煖血以通閉澇也水煎入蜜使經氣潤澤則溝滿渠通而胞衣無乾澇之患無不隨藥勢而下出矣



花蕊石散 治胞阻血暈脉遲實者

花蕊石

一觔 醋煨

石硫黃

六兩豆 腐煮

研極細入瓦罐鹽泥固濟炭灰火煨通紅去火審冷再研童便入酒調下三錢

產後瘀結胞中少火不能鼓舞下行反上逆心包而神明失指故昏暈而胞衣不下焉勢亦危甚花蕊石化瘀血為黃水石硫黃鼓少火以下行固煨通紅以銳其勇童便入酒以行其瘀使瘀血化而心氣降則心包肅清而神明得旨焉有血暈而胞衣不下之患乎

下胞葵子湯 治瘀阻胞乾脈滯者

冬葵子 一兩

杜牛膝 一兩

六煎濃汁去渣入白蜜三匙煎沸溫服

產後瘀血內結新血不行故胞衣乾澁不下遂成危迫之症冬葵子滑胞利竅道杜牛膝破瘀下胞衣水煎入蜜以潤之務使瘀血化而新血行則胞門潤澤而胞衣無不自下何危迫之有哉

千金備急丸 治血逆胞阻脉實者

錦紋大黃 一觔

醫略六書女科指要

卷之三十

選方

五

趙翰香居藏板





分四分一分醋煮一分童便煮一分紅花八兩煮濃汁煎一分乾漆灰二兩煎淨汁煮以四分焙乾合研極細蜜丸每服三錢童便入酒調化溫服

產後瘀結胞門熱壅腸胃上迫心包而神明失指故昏不知人胞衣不下焉一味大黃分四製以奏開結化瘀滌熱逐胞之効蜜丸以潤之童便以降之溫酒以行之務使瘀熱下降則胞衣不致久羈而心包無不肅清何有昏不知人之害哉

清魂散 治血量昏迷脉浮濇數者

澤蘭 三兩 荊芥 兩半 人參 八錢 川芎 五錢 甘草 五錢

為散童便煎三錢去渣微溫服

產後氣虛受風風鼓血逆故神昏身熱惡露不下焉澤蘭降瘀清熱以通血脉荊芥散風和血以清心包人參扶元托邪川芎活血行氣甘草瀉火緩中以退身熱也為散童便以降之入酒以行之使清陽上奉則邪自外解而熱退瘀行豈有神昏身熱惡露不下之患哉

保命集方 治血暈危困脉濇弦數者

生地汁 一合 當歸身 三錢 西赤芍 錢半

醋炒

二味水煎濃汁去渣入生地汁煎微沸溫服煩熱去當歸易冲童便一杯



產婦素多鬱怒肝陰暗傷遂致難產努掙血去過多而瘀結上迫心包受病故昏暈不已危困莫甚焉當歸養血以榮新血赤芍破瘀以瀉結血生地汁涼血清心以止血暈也如覺煩熱是心火不降故去當歸之辛溫易童便之清降使熱降結消則心包清肅而神明得其生宰宿血自去新血自生何血暈危困之足憂哉

醋墨 治初產血熱脉數者

松烟上好墨 三兩

炭火煨通紅米醋淬再煨再淬七次研極細童便下一二錢產婦平素血熱雖產後而血熱如故故口燥舌乾五心煩熱惡露過多不止焉松烟好墨入血分而辛溫止血火煨以銳其勇猛醋淬以斂其耗散下以童便之散瘀降火使宿者自去則新者自生而血熱頓退血無忘妄之患何致惡露過多煩熱口燥乎

獨行散 治產後血暈昏迷脉實者

五靈脂

十兩半  
生半炒

爲散溫酒調下三錢

產後瘀血不化上冲心包故昏迷不醒僵仆如尸焉五靈子生熟同用破瘀中仍寓調血之





意為散溫酒下之使宿血盡去則新血旋生而心包清肅神明得旨安有昏迷僵仆之患乎  
奪命散 治產後血暈脉滯者

血竭 四兩 沒藥 四兩

為散童便入酒煎三錢去渣溫服

產後惡血不下上冲心包故昏迷僵仆不省人事焉血竭端走血分沒藥兼行氣分全為散  
瘀降血之藥為散酒童便煎使惡血下行則心包清肅而神明得其主宰何有昏仆之虞乎  
四神散 治產後血暈脉滯者

當歸 三兩 血竭 三兩 沒藥 三兩 延胡 兩半 酒炒

為散童便煎三錢去渣溫服

產後血虧瘀滯上犯心包故昏暈不醒不知人事焉當歸養血以榮經延胡活血以調經沒  
藥散瘀降血血竭去瘀生新為散童便煎使瘀血去而新血生則心包清肅而神明有主安  
有昏暈之患乎

黑神散 治血暈神昏口噤脉滯瀉緊者

熟地 四兩 當歸 三兩 赤芍 兩半 肉桂 二兩 去皮 蒲黃 三兩 炮姜 二兩 黑豆 四兩 甘草 二兩



爲散酒童便各半煎五錢去渣溫服

產後血虧瘀逆挾寒滯而上犯心包故昏暈不省口噤不開焉熟地補血之虧蒲黃破瘀之逆當歸養血榮經脉赤芍破血瀉血滯炮姜溫中逐寒肉桂溫經通閉黑豆益衝任甘草和胃氣爲散童便半酒煎務使瘀降寒消則經血內充而無上逆之患豈有昏暈不省口噤不開乎

紅花散 治產後血暈脉弦數瀹滯者

紅花 兩半 當歸 三兩 蒲黃 三兩 丹皮 兩半 荷葉 兩半

爲散酒煎三錢去渣入童便一杯溫服

產後血熱挾瘀堵塞神明故昏暈不止五心煩熱焉紅花活血破血蒲黃破瘀通經當歸養血榮經以潤血脉丹皮涼血去瘀以退血熱也更以荷葉升陽散瘀爲散酒煎入童便以散瘀瀉火務使熱化瘀行則心包肅清而神明有主豈有五心煩熱昏暈不已之患乎

鹿角散 治血暈脉遲者

鹿角 一觔

燒灰出火毒研極細好酒童便調下三錢



產後陽虛不能吸血而血逆上冲昏暈不已故手足厥冷勢成危篤焉鹿角大壯元陽惟能  
行血散血燒灰研細最能降血下血好酒以行之童便以滌之務使元陽有主則自能吸血  
下行而血無妄行之患無不去者自去生者自生安有血暈厥冷如斯其危篤哉

鬱金散 治血上冲心欲死脉澹滯者

川鬱金 一觔

燒存性爲散童便入醋少許調下三錢

產後瘀血上冲堵塞心竅故昏暈悶絕勢成危篤焉川鬱金一味性崱散氣破血燒灰存性  
更能下血止血爲散童便以降之少醋以斂之務使瘀血下行則心氣亦降而心竅清肅神  
明有主豈有昏暈欲死之危乎

牡丹散 治血量悶死絕口噤脈數大者

大黃

三兩

桃仁

三兩

芒硝

兩半

丹皮

兩半

冬瓜

三兩

子

爲散水煎四錢去渣溫服

產後瘀因熱結堵塞心竅故口噤悶絕血暈不止焉大黃蕩熱滌瘀以下行桃仁破瘀開結  
以潤燥芒硝滌熱軟堅丹皮涼血散瘀冬瓜子潤燥散結以宣水道也爲散水煎務使瘀熱





消散則心竅肅清而神明得神其用豈有血暈不已直至口噤悶絕之危哉

產寶方 一升

水煎濃汁去渣分三服溫飲

產婦素多鬱怒瘀結不散而堵塞神明故昏暈不止心下結硬焉杉木節力能解鬱平肝逐瘀開結以清理神明之堵塞也水煎濃汁務使鬱結解散則瘀化氣平而心竅無障神明得其主宰安有心下結硬昏暈不已之患乎

荊芥散 治血暈脉浮濇滯者

荊芥 二兩 炒黑 桃仁 三兩

為散水煎三錢去渣溫服

產後冒風血瘀不化故神明堵塞昏暈不止焉荊芥散風邪以和血桃仁破瘀血以開結為散水煎使風邪外解則瘀結自化而神明肅清神明得旨安有昏暈不已之患乎

倉公散 治血暈脈滑者

瓜蒂 十個 晒乾 藜蘆 一兩 白礬 一兩 雄黃 一兩

為散以少許吹鼻取嚏



產後夾氣冒風痰壅心竅故血瘀不化血厥不止焉厥者昏暈肢寒之謂瓜蒂湧實痰藜蘆湧風痰白礬湧吐痰飲雄黃湧吐濕痰爲散少許吹鼻取嚏以通其竅湧其痰一吐而迅掃無遺則胸胃廓然而清陽敷布心肝之血不攻而瘀結自化心竅肅清神明得旨何有血厥不已之患哉

白薇湯 治產後亡血發厥脉虛微數者

白薇 三錢 當歸 三錢 人參 錢半 甘草 錢半

水煎去渣溫服

產後去血過多亡血而虛陽不歸故昏暈不省肢寒倦怠不已焉人參扶元以生血脉當歸養血以榮經脉炙草緩中益胃白薇退熱扶陰也水煎溫服使血氣內充則虛陽潛伏而厥愈陽回安有昏暈肢寒之患乎

起枕湯 治惡露不下脉浮滯澀者

當歸 三錢 赤芍 錢半 官桂 錢半 蒲黃 錢半 五靈脂 三錢 白芷 錢半 丹皮 錢半 炙草 錢半

水煎去渣入童便一杯溫服

產後衝任受風波及陽明而瘀血凝結故惡露不下臍腹作痛焉當歸養血活血脉赤芍破

